



ՄԱՆԿԱԿԱՆ ԺԱԿԱՆ ՀԱՄԱԼՍԱՐԱՆ

15 ՀՈՒՆԻՍԻ
2024 թ.
№ 13 (1129)

Թերթի առաջին համարը լույս է տեսել 1965 թ. մարտի 11-ին
Երկշաբաթաթերթ • Իրատարակման 57-րդ տարի

ԽԱՉԱՏՈՒՐ ԱՐՈՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԻ ՊԱՇՏՈՆԱԹԵՐԹ

Մանկավարժական համալսարանի 2023-2024 ուսումնական տարվա գերազանցությամբ ավարտած մի խումբ ուսանողներ հուլիսի 9-ին հանդիսավար պայմաններում ավարտական դիպլոմներ ստացան:

Տարին խորհրդանշական էր այս տարվա շրջանավարտների համար. Ուսանողական խորհուրդը նշում էր իր հիմնադրման 30-ամյակը:

Շրջանավարտներին շնորհավորեց և բարի երթ մաղթեց Մանկավարժական համալսարանի ռեկտոր Սրբուհի Գևորգյանը: Ռեկտորը բարձրաձայնեց՝ խինդը, բերկրանքը և հուզականությունը բուհի ֆակուլտետներում մեկտեղվել է տխրության հետ:

Բանասիրական ֆակուլտետի բակում իրականացված հանդիսությունը նման խինդով ու թախիծով էր լցրել շրջանավարտների սրտերը: Դիմելով շրջանավարտներին՝ ռեկտոր Սրբուհի Գևորգյանն ասաց. «Հանդգլած եմ, որ բակալավրիական կրթություն ստացածները շարունակ դելու են իրենց կրթությունը, այս տարիներին ձեռք եք բերել ոչ միայն գիտելիքներ, մասնագիտական կարողություններ, այլև զինվորագրվել եք մեր համալսարանի»:



«Մի վախեցեք երապել, սխալվել և այդ սխալների վրա սովորել», – ասում է ԿԳՄՍ նախարար Ժաննա Անդրեասյանը

Մի մեծ ու ջերմ ընտանիքին: Հանդգլած եմ, որ կրթության ուսուցման և մասնագիտական ոլորտում ձեր ցանկությունները բավարարելու նոր հնարավորություն է ընձեռնվելու հենց մեր համալսարանում: Հանդգլած եմ նազիստոս շրջանավարտները նորանոր ձեռքբերումներ են ունենալու այն մասնագիտական տիրույթում, որոնք նախանշում են նախադպրոցական կրթական հաստատություններից մինչև սոցիալական աջակցության կենտրոններ, արվեստի ոլորտ»:

Ռեկտորը վստահեցրեց՝ ուսուցչական համայնքը համալրվելու է որակյալ շրջանավարտներով, և որ համալսարանը ցուցաբերում է իր անսխալ անվերապահությունը, որովհետև կրթության և մասնագիտության

բազմաթիվ ոլորտներում նրանց հետ հանդիպումները շարունակվելու են:

ԿԳՄՍ նախարար, ՀՀԿԿ Խորհրդի նախագահ Ժաննա Անդրեասյանը շնորհավորեց շրջանավարտներին: Նա կարևորեց տոնական օրը, քանզի «այսօր ձեզ ճանապարհելու, ձեզ դիմավորելու, գնահատելու, հաջողություններ մաղթելու հնարավորություն ունենք»:

Նախարարը վստահեցրեց՝ այսօր ձեր մտքում և հիշողություններում ունենալու եք ամենահիշարժան օրերից մեկը. «Ուզում եմ, որ օրը ձեզ համար նշանավորվի իբրև նոր փուլի սկիզբ, որն առաջին հերթին լինելու է մասնագիտական հաջողությունների և ձեռքբերումների փուլ, և դրանք լինելու են մեր պետության ու երեխաների»:

ի հաջողություններն ու ձեռքբերումները: Ձեր որակավորումները սովորական չեն, դա աշխատանք է, որ պետք է ունենաս սրտացավություն, հետևողականություն ու հոգատարություն, որպեսզի դրանք դառնան կյանքի գործ:

Սա առաջին հերթին մեծագույն պատասխանատվություն է, և վստահ եմ, որ բուհի սկզբից գիտելիքներն ու հմտությունները կօգնեն, որ ամեն բարդ իրավիճակում ճիշտ կողմնորոշվեք, ճիշտ արժեքներով առաջանորոշվեք: Մնացածը գալու է մասնագիտական փորձառությանը, շարունակական ինքնակրթությանը և այստեղ է, որ համալսարանի հետ կապն ավելի եք ամրապնդելու՝ որպես գործընկերներ»:

Նախարարը վստահեցրեց, որ պատասխան են այսքան նոր մասնագետների, երիտասարդների հյուրընկալելու դպրոցներում, մասնագիտություն և այլ հաստատություններում, միաժամանակ ընդգծելով, որ շրջանավարտներն իրենց ներդրվածությամբ մեր երեխաների կրթությունը դարձնելու են առավել որակյալ:

Նախարարը փաստեց՝ կառավարությունը մեծ ջանքեր է ներդնում, որ ուսուցիչն իր մասնագիտության մեջ լինի գնահատված, արժևորված, աշխատանքային պատշաճ պայմաններով, իսկ ուսուցչական մեծ բանակը միշտ ունի նոր կարգերի ու ներուժի կարիք. «Մի վախեցեք երապել, սխալվել և այդ սխալների վրա սովորել»:

ԿԳՄՍ նախարարի տեղակալ Արաքսիա Սվաջյանը և շնորհավորեց շրջանավարտներին՝ մաղթելով լուսավոր, հետաքրքիր և արդյունավետ ճանապարհ: Նա նկատեց՝ շրջանավարտների կյանքի կարևոր մեկ փուլ ավարտվեց և էլ ավելի կարևոր ու պատասխանատու նոր փուլ է սկսվում, որ ոլորտում նոր մասնագետների, երիտասարդների կարիքը շատ կա:

Օրը հուզառատ էր համալսարանի բոլոր ֆակուլտետներում. վաղ առավոտից շրջանավարտներն ավարտական դիպլոմներ ու շնորհավորանքներ էին ստանում ֆակուլտետների ղեկավարության, քննական հանձնաժողովների նախագահների ու պրոֆեսորադասախոսական կազմի կողմից, իրենք էլ իրենց հերթին խոստանում զինվորագրվել այն բանակին, որի առաջին ուսուցիչը եղել է Մեսրոպ Մաշտոցը:

Տոնական օրվա ավարտը խորհրդանշակ սիրված երգիչների Գոռ Սուջյանի, Սոֆի Մխչյանի ու մյուսների մասնակցությամբ համերգային ուրախ ծրագրով:



Ստորագրվեց փոխգործակցության համաձայնագիր

Հունիսի 10-ին Մանկավարժական համալսարանի ռեկտոր Սրբուհի Գևորգյանը ընդունեց Մեհրաբյանի անվան բժշկական քոլեջի տնօրեն Վահե Բաբայանին: Ստորագրվեց փոխգործակցության համաձայնագիր:

Ռեկտոր Սրբուհի Գևորգյանը հնարավոր է համարում համատեղ գործակցությունը, մանավանդ, որ համալսարանի մասնագիտությունների որոշակի առարկայախումբն այդ հնարավորությունը տալիս է. կարծում է՝ պետք է համագործակցության եզրեր գտնել Հատուկ և Երաժաշտական կրթության և Կրթության հոգեբանության և սոցիոլոգիայի ֆակուլտետների համապատասխան մասնագիտությունների հետ, որը մաս կազմի հասարակության խոցելի խմբերի հետ աշխատանքին: Միաժամանակ ընդգծեց՝ Մանկավարժական դիտարկում է բոլոր հարթակները ֆակուլտետներն ու ժողովուրդը, տարբեր կառույցների հետ համագործակցությունը փոխազդեցիկ դարձնելու հեռանկարները:

Ռեկտորն անդրադարձ արեց կրթության ոլորտում ժամանակակից մարտահրավերներին դիմակայելուն, կարևորեց միջազգային տեղեկացված, ինտերակտիվ շփումները գիտական շփումների վերածելու՝ վեբինարների ու սեմինարների համատեղ անցկացման ձևաչափով: Ապա խոսեց հոգեբանության հետ բժշկության աղերսների, հոգեբանների ու բժիշկների փոխազդեցիկ համագործակցության մասին: Գործնական խոսակցություն



ծավալվեց շարունակական կրթության, Մեհրաբյանի անվան բժշկական քոլեջի շրջանավարտների բուհական կրթությունը Մանկավարժական համալսարանում կազմակերպելու հնարավորությունների մասին:

Սրբուհի Գևորգյանը քոլեջի շրջանավարտների շարունակական կրթության հնարավորությունը դիտարկեց բուհի Հատուկ և Երաժաշտական կրթության ֆակուլտետում, որն իր ուսումնական պլաններում ունի թե՛ բժշկահոգեբանական, թե՛ կենսաբանաֆիզիոլոգիական առարկայախումբ:

Ըստ Սրբուհի Գևորգյանի, եթե դիմորդն ունի միջին մասնագիտական կրթություն, որոշակի ուղղվածություն և որի մասնագիտական դասընթացները համընկնում է բուհի ուսումնական դասընթացներին, երկուստեք փոխազդե

վետ է և արդյունավետ կողմերի համար: Առաջիկայում Մանկավարժականում կդասավանդվեն հատուկ մանկավարժություն և հատուկ հոգեբանություն մասնագիտությունները, իսկ ներդրված էրգոթերապիան կնպաստի անհրաժեշտ խոցելի խմբերին առավել որակյալ ծառայությունների մատուցմանը:

Սրբուհի Գևորգյանը անդրադարձավ օրեցօր նվազող ապրումակցմանը, հասարակության զարգացող էկոհամայնքի մտածողությանը, մարդու էնոցիոնալ վիճակները վերարտադրող գործիքների բացակայությանը, միջազգային գիտաչափական շտեմարաններում տպագրվող հոդվածներին:

Վահե Բաբայանը համառոտ ներկայացրեց Մեհրաբյանի անվան բժշկական քոլեջի գրեթե երեք տասնամյա գործունեությունը. միջնակարգ մասնագիտա

կան հաստատության մասնագիտությունները, անընդհատ ընդլայնվող միջազգային գիտական կապերը, մասնավորապես Երազմուս + միջազգային ծրագրի և մերժբալթյան երկրների հետ աշխատելու փորձը: Նա ընդգծեց իրենց առաքելությունն է ունենալ մրցունակ շրջանավարտներ, իսկ նրանցից շատերը ցանկանում են կրթությունը շարունակել բարձրագույն ուսումնական հաստատությունում, մասնավորապես Մանկավարժականում:

Հանդիպմանը մասնակցում էր ՀՊՄՀ աշխատակազմի և միջազգային կապերի գծով պրոռեկտոր Սարիաննա Հարությունյանը: Նա անդրադարձավ ՀՊՄՀ միջազգային կապերի ուղղությամբ բուհի արդյունավետ փորձին՝ ներկայացնելով Լեհաստանի հետ համագործակցելու փորձառությունը և Պորտուգալիայի Ալեյրոյի համալսարանի հետ առաջիկայում մի ծրագրի շուրջ նախապատրաստական աշխատանքներին:

Ստորագրված համաձայնագիրը հնարավորություն կտա տարբեր մասնագիտությունների գծով բուհում կազմակերպել քոլեջի շրջանավարտների ուսուցումը, համագործակցել ուսումնական պլանների և առարկայական ծրագրերի փոխհամաձայնեցման և կատարելագործման առումով, քոլեջին կցուցաբերվի համապատասխան մեթոդական և մասնագիտական աջակցություն:

Ս. ԱՄՐԱՆ

ՀԱՄԱՀԱՅԿԱԿԱՆ ԳԻՏԱԿԱՐԹԱԿԱՆ ԱՇԽԱՏԱԺՈՂՈՎՈՒՄ



Մեկնարկել է արդեն 5-րդ անգամ անցկացվող «EduArmenia2024» համահայկական գիտակրթական աշխատաժողովը, որի նպատակն է ներկայացնել հանրակրթության ոլորտի բարեփոխումների լավագույն փորձը:

Աշխատաժողովի բացմանը մասնակցել են ՀՀ ԿԳՄՍ նախարարի տեղակալ Արաքսիա Սվաջյանը, ՀՀ լեզվի կոմիտեի նախագահ Սիրանուշ Դվոյանը, ՀՀ կրթության տեսչական մարմնի ղեկավար Վաղարշակ Մատիկյանը, ԿՋՆԱԿ հիմնադրամի տնօրենի պաշտոնակատար Արտաշես Թորոսյանը, Խ. Աբովյանի անվան հայկական պետական մանկավարժական համալսարանի ռեկտոր Սրբուհի Գևորգյանը, «EDUArmenia»-ի համահիմնադիր Լիլիթ Մկրտչյանը, ոլորտի մասնագետներ, շահագրգիռ կառույցների ներկայացուցիչներ:

Աշխատաժողովի ընթացքում կրթության ոլորտի ներկայացուցիչները հանդես են եկել ոլորտի զարգացմանն ու բարեփոխումներին նվիրված բանախոսություններով և դասախոսություններով:

ԿԳՄՍ նախարարի տեղակալ Արաքսիա Սվաջյանը ողջունել է ներկաներին և վստահություն հայտնել, որ բոլոր քննարկումներն ու ելույթները, փորձի փոխանակման ձևաչափերը կատարված աշխատանքի արժևորման և մեկ հնարավորություն են: «Աշխատաժողովը կարևոր է ոչ միայն փորձը կիսելու, այլև փորձի շուրջ խորհելու առումով», - ասել է նա:

Ըստ ԿԳՄՍ նախարարի տեղակալի՝ անցնող ուսումնական տարին բարդ էր՝ պայմանավորված մի շարք փոփոխություններով. «Հանրակրթության պետական չափորոշիչը ներդրվեց երեք դասարաններ

ում, փոխվեց դպրոցների ֆինանսավորման մեխանիզմը և այլն: Արագությամբ ընթացող փոփոխությունների պարագայում բարդ է տեղեկություն աշխատել և արագ կողմնորոշվել՝ պահպանելով արդյունավետությունը և նպաստելով կրթության որակի բարձրացմանը: Ուսումնական տարվա ընթացքում մեր հանդիպումներն ուսուցչական համայնքի հետ ցույց են տվել, որ չնայած բարդություններին՝ գրանցել ենք դրական արդյունքներ: Թեև դրանք փոքր են կամ միգրացիոն ոչ այնչափ, որքան ակնկալվում էր ի սկզբանե, բայց, այնուամենայնիվ, ունենք դրական դիմադրիկա»:

Արաքսիա Սվաջյանը նշել է՝ ցանկացած նոր գործընթաց իր հետ բերում է փորձություններ և բազմաթիվ հարցեր, որոնց լուծումները հենց այսպիսի աշխատաժողովների ընթացքում է մաս հնարավոր գտնել:

«Մեզ համար շատ կարևոր է, որ մանկավարժական համայնքն ակտիվ լինի այս գործընթացում, և կիրառման փուլում հենց իրազեկումներից ստանանք արժագանք: Կարևոր է, որ չափորոշիչ վերաբերյալ արձագանքները դրական են ոչ միայն մանկավարժներից, այլև աշակերտներից, որոնք վստահեցնում են՝ ուսումնական գործընթացն առավել հետաքրքրական է դարձել, փոխվել է մոտիվացիան», - ասել է Արաքսիա Սվաջյանը:

Նա կարևորել է նաև ծնողական համայնքի արձագանքը, ըստ որի՝ փոփոխություններ են նկատվում թե՛ երեխաների զբաղվածության ու հետաքրքրություններին, թե՛ դպրոցի հետ հետադարձ կապի կազմակերպման հարցերում:

Որպես խնդիր՝ փոխնախարարը մտա

հոգի է համարել երբեմն հնչող կարծիքները, թե երեխաները չեն ուզում սովորել դպրոցում. «Մեզ համար առաջնային է դպրոցում ճիշտ մթնոլորտ ձևավորել՝ կարևորել ամենաառաջին կարողունակությունը՝ սովորեցնել սովորել, որ երեխաները հասկանան՝ ինչու սովորել և սովորելու դեպքում ինչ արդյունքի կհասնեն», - ասել է նա:

Նոր դասագրքերի մեծ մասը երաշխավորվել է տպագրության:

Արաքսիա Սվաջյանի տեղեկացմամբ՝ առաջիկա ուսումնական տարում ևս 4 դասարանում ներդրվելու է հանրակրթության պետական չափորոշիչը: Դասագրքերն արդեն փորձաքննվել են. մեծ մասն արդեն երաշխավորվել է տպագրության, մի մասն էլ կրկնակի փորձաքննության փուլում է:

«Ամեն ինչ արվում է, որպեսզի օգոստոսի վերջին տասնօրյակում բոլոր դպրոցներն ապահովված լինեն դասագրքերով», - ասել է ԿԳՄՍ նախարարի տեղակալը՝ շեշտելով դասագրքերից օգտվելու ստանդարտ ձևերից հրաժարվելու և դրանք ավելի ճկուն օգտագործելու կարևորությունը:

«Նոր ձևաչափերով դասագրքերը գուցե ուսուցչի համար որոշակի դժվարություն առաջացնեն, բայց մյուս կողմից՝ մանկավարժությունը ստեղծագործական գործընթաց է, և մենք քաջալերում ենք, որ դասերը տարիներ շարունակ կրկնված ձևաչափերից մի փոքր դուրս գան ու դառնան ճկուն ու ստեղծագործ՝ ժամանակին համընթաց: Դա ենթադրում է՝ անել հնարավորը, որ այսօրվա հետաքրքիր, խելացի, ինֆորմացված, ակտիվ սերունդը սիրի սովորելը հենց դպրոցում: Մեր դպրոցները պետք է դարձնենք այն միջավայր, որ երեխաները ոչ թե ուրախանան արձակուրդ գնալիս, այլ ափսոսան, որ դպրոց չեն հաճախելու», - իր տեսլականն է ներկայացրել Արաքսիա Սվաջյանը:

Գործարկվելու է դպրոցի տնօրենի հավակնորդների վերապատրաստման ծրագիր:

Փոխվել է դպրոցների կառավարման մոդելը. տնօրեններն ազատվել են վարչատնտեսական խնդիրներից, որոնք զբաղեցնում էին նրանց ժամանակի գերակշիռ մասը: Արաքսիա Սվաջյանը նշել է՝ բազմաթիվ դպրոցներում այժմ չկան տնօրեններ. նույնիսկ մի քանի անգամ հայտարարված մրցույթների արդյունքում այդ տեղերը չեն համալրվում:

Այս մտահոգիչ պատկերը խոսում է ոլորտի բացերի մասին՝ օրախնդիր դարձնելով ուսուցչական, կառավարչական համայնքների կարողությունների զարգացման անհրաժեշտությունը. «Առաջիկայում ունենալու ենք դպրոցների տնօրենների հավակնորդների խորքային վերապատրաստման ծրագիր՝ 7 ամիս տևողությամբ: Այդ ընթացքում նրանք սովորելու են զարգացման ծրագիր գրել՝ լրամշակելով իրենց ներկայացրած զարգացման ծրագրերը՝ փորձագետների աջակցությամբ: Ավարտողներն ունենալու են պատրաստի զարգացման ծրագիր, և հաջողությամբ պաշտպանելու դեպքում կդառնան տնօրենների պոտենցիալ թեկնածուներ: Փորձում ենք դպրոցներին ազատել կրթության որակի հետ ուղիղ կապ չունեցող բոլոր գործընթացներից: Որոշ ծառայությունների համար արտապատվիրակման մեխանիզմ է ներդրվելու. կան կազմակերպություններ, որոնք հստակ գիտեն, թե ինչ է դպրոցի պահպանությունը, գնումների գործընթացը և կկարողանան հաջողությամբ իրականացնել այդ գործառնությունները»:

Փոխնախարարը կարևորել է նաև դպրոցներում պատշաճ ենթակառուցվածքների, միջավայրի, անհրաժեշտ գույքի և ուսումնալրաբարտոր բազայի ապահովումը: Տավուշի և Արմավիրի մարզերի բոլոր դպրոցներում արդեն առկա են լաբորատորիաներ. մինչև տարեվերջ կհամալրվեն նաև Արագածոտնի, Արարատի, Գեղարքունիքի, Կոտայքի, Լոռու և Շիրակի մարզի դպրոցները:



2023-2024 ՈՒՍՈՒՄՆԱԿԱՆ ՏԱՐՎԱ ԼԱՎԱԳՈՒՅՆ ԵՐԶԱՆԱՎԱՐՏՆԵՐԸ

Այլա ՍԱՐԱԿՅԱՆ

Հատուկ և ներառական կրթության ֆակուլտետ

Կարծրատիպեր կոտորող Այլան

Այլա Սահակյանը ինչպես արժանի անվան հայկական պետական մանկավարժական համալսարանի շրջանավարտ է: Նա այս տարի գերազանցությամբ ավարտեց Հատուկ և ներառական կրթության ֆակուլտետի մագիստրատուրան: Մասնագիտությամբ տիֆլոմանկավարժ է:



Այլայի մասին գրվել է «Կարծրատիպեր կոտորող 7 կանայք» գրքի մեջ:

Եթե ծանոթ լինեք աղջկա կենսագրությանը՝ կհանդգնեմք, որ նա իրենով իսկապես կարծրատիպեր կոտորող երիտասարդ է, ակտիվ խառնվածքով անհատ:

Այլա Սահակյանը Հայաստանում կույր ֆուտբոլի թիմի ավագն է և մարզածևի զարգացման համակարգողը: Միաժամանակ աշխատում է «Լիարժեք կյանք» հասարակական կազմակերպությունում տեսողության խնդիրներ ունեցող անձանց հետ՝ սովորեցնելով նրանց ինքնուրույն տեղաշարժվել:

Հատուկ կարիքների խնդիրներ ունեցող յուրաքանչյուր անհատ պետք է իրեն լիարժեք զգա հասարակության մեջ: Բայց ոչ բոլոր են կարողանում հաղթահարել կարծրատիպերը: Այլան առաջիններից է. Ոչ ոչ միայն կարողանում է հաղթահարել խնդիրները, այլև ակտիվ հասարակական կյանք է վարում՝ ներգրավելով հաշմանդամություն ունեցող անձանց սպորտային մարզումներում, սպորտը կապելով տիֆլոմանկավարժության հետ:

«Ինքս ունենալով տեսողության խնդիր՝ դարձել եմ տիֆլոմանկավարժ, որպեսզի փորձս կիսեմ նրանց հետ, ովքեր ունեն այն ամենի կարիքը, ինչը ժամանակին ես եմ ունեցել: Իմ աշակերտները սովորում են կողմնորոշվել իրենց նախընտրած տարածքներում, ամենակարևորը՝ սպիտակ ձեռնափայտի օգնությամբ: Այսինքն՝ քայլում են ինքնուրույն:

Աշխատանքս համարում եմ ամենամեծ հաջողություններիցս մեկը, -ասում է Այլան: Տիֆլոմանկավարժը անձին օգնում է զարգացնել և ճիշտ օգտագործել բոլոր զգայարանները, իմանալ օրինակ՝ առարկաներն ինչպե՞ս շոշափել, որպեսզի դիպչելիս անվտանգ լինեն, ինչպե՞ս «լսել փողոցը», այսինքն՝ որտե՞ղ ես դու գտնվում և քո դիրքը ինչպե՞ս պետք է օգտագործես:

Դպրոցական տարիքից ինձ դուր չի եկել ինչ-որ մեկից կախված լինելը: Միշտ մտածել եմ ինչո՞ւ պետք է սպասեմ, որ ինչ-որ մեկը ժամանակ տրամադրի՝ ինձ ուղեկցի:

Հիշում եմ, որ մի օր եղբայրս ինձ ուղեկցելուց հետո ասաց. «Գիտես, որ կարող եմ քեզ ուղեկցել, բայց կգա մի օր, երբ չես կարողանա, հարմար չի լինի: Պետք է մենակ գնաս: Ես էլ ասացի՝ կգնամ»:

ՏՈՒՄ համալսարան ինքնուրույն գնալը Այլան համարում է իր կյանքի առաջին մեծ ձեռքբերումը, իսկ այսօր արդեն նա ամենամեծ ու ամենապատասխանատու ձեռքբերումը, որ կարողանաում է ոչ միայն ինքնուրույն տեղաշարժվել, այլև օգնել տեսողության խնդիրներ ունեցող անձանց և՛ սովորեցնելով նրանց ինքնուրույն տեղաշարժվել:

Կույրերի սպորտի միջազգային ֆեդերացիայի կողմից մարզընկերոջ հետ նա վերապատրաստվել է Հունգարիայում և այժմ զբաղվում է Հայաստանում բացառիկ մի մարզածևով՝ կույր ֆուտբոլով: Հայաստանում ոչ միայն ներդրել է այդ մարզածևը, այլև համակարգում է, որպեսզի մարզածևը զարգանա:

Կույր ֆուտբոլ մարզածևը տեսողության խնդիրներ ունեցողներին օգնում է հաղթահարել վախերը, հոգեբանական բարդություններն ու նաև առողջական խնդիրները:

Այլայի դիպլոմային աշխատանքի թեման եղել է «Կույր ֆուտբոլը որպես տեսողության խանգարումներ ունեցող անձանց սոցիալիզացիայի միջոց», ինչը նույնպես Այլայի մեծ ձեռքբերումներից է:

Այլա Սահակյանը ցավով է նկատում՝ Հայաստանում ուսումնական հաստատությունները չեն ապահովում մատչելի միջավայր տեսողության տարբեր խնդիրներ ունեցողների համար, իսկ հաշմանդամություն ունեցող սովորողներին դուրս են թողնում ֆիզիկական պատրաստվածության դասերից:

Ընտանիքում տեսողության խնդիր ունի նաև Այլայի եղբայրը, բայց մայրը նրանց երբեք չի վերաբերվել որպես խնդիր ունեցողների, երբեք չի ասել՝ «չեն տեսնում, ուրեմն չեն կարող»: Փոխարենը հարմարման միջավայր է ստեղծել, ինչը շատ կարևոր է:

Այլայի կյանքը միշտ չէ, որ դյուրին է ու հարթ, շատ հաճախ դժվարացել ու հուսահատվել է, բայց հաջորդ պահին հասկացել է, որ հապաղելն ու հետ կանգնելը մշտնապես է դարձրել հետամուտ լինել խնդիրներին, չապրել իր ուզած կյանքով:

Այլան սիրում է աշխատել հայրենիքում, մեծագույն հաճույք է ստանում իր աշխատանքից և գիտի՝ շատերն ունեն իր օգնության կարիքը: Աշակերտներին էլ հորդորում է՝ կանգ չառնել ու չշեղվել դեպի ինքնուրույնություն տանող ճանապարհից:

Այլան տեսողության խնդիրներ ունեցող աղջիկ է, որ չի վախենում դժվարություններից և ինքնուրույն հաղթահարում ու կոտորում է կարծրատիպերը:

Եվ Այլան մեր բուռի շրջանավարտն է, որով հպարտանում ենք:

ԱՆԻ ՂԱԶԱՐՅԱՆ

Հատուկ և ներառական կրթության ֆակուլտետ

Եթե կա երազանքի՞ն հասնելու մեծ ձգտում

Բարև ձեզ, ես Անի Ղազարյանն եմ, մասնագիտությամբ՝ հատուկ մանկավարժ-լոգոպեդ:

Նախասիրություններս շատ են, որոնցից մեկը եղել է և մնում է կրթվելը, անընդհատ ինքնակրթվելը, նոր գիտելիքներ և հմտություններ ձեռք բերելը, մարդկանց լսելը, հասկանալը, աջակցելը: Դե, իսկ երեխաները հատուկ տեղ են զբաղեցնում իմ կյանքում: Տրված եմ նրանց կրթելու և դաստիարակելու, ինչպես նաև շտկողական գործընթացին, քաջ գիտակցելով, որ նրանք են մեր վաղվա օրը և իրենց տան լույսը:



Ընտրածս մասնագիտությունը, կարծում եմ, եթե անձ լինեք, մնա կլինեք ինձ և կարծես՝ հակառակը եղավ՝ մասնագիտությունս ընտրեց ինձ: Այս մասնագիտությունն ընտրելիս արդեն իսկ տեղեկացված էի և ուսումնասիրել էի զարգացման տարբեր խնդիրների մասին՝ սովորելով Մանկավարժական համալսարանի հատուկ մանկավարժության բաժնում: Խոսքային խանգարումներ ունեցող անձինք միշտ գրավում էին իմ ուշադրությունը, այն պարագայում, երբ խոսքը կարևոր ցուցիչ է մարդու հոգեկանի մասին: Գնացի դրանց բացահայտման, ուսումնասիրման հետևից, որով էլ զբաղվում է այդ աստվածածու մասնագիտությունը:

Լոգոպեդիան մասնագիտություն է խոսքային խանգարումների, դրանց կանխարգելման, բացահայտման և շտկման մեթոդների մասին և ուսումնասիրում է խոսքի խանգարման պատճառները, զարգացման մեխանիզմները, ախտահիշները, կառուցվածքը, մշակում շտկման մարտավարության համակարգը, և այդ ամենը սերտ կապված է հատուկ հոգեբանության հետ: Հետագայում ամբողջովին նվիրվեցի այս մասնագիտությանը և արդեն երկրորդ կուրսից սկսեցի իմ աշխատանքային գործունեությունը վերականգնողական կենտրոնում՝ որպես լոգոպեդ:

Մինչ այս պահը չի եղել գեթ մեկ երեխա, որն ունենալով խոսքային խանգարում և չուներ համարվելով, դիմելով ինձ, մնա իմ կողմից առանց մասնագիտական աջակցության: Ինձ համար շատ կարևոր է նաև ծնողներին մասնագիտական գիտելիքներով զինելը, լոգոպեդական շտկման գործընթացին ներգրավելը, աջակցելը և որպես մասնագետ, և՛ որպես մարդ: Իրազեկ և համագործակցող ծնողը ճիշտ, արդյունավետ ու նպատակային աշխատանքի կարևոր գրավականներից է:

Ես ինձ երջանիկ եմ համարում նաև նրա համար, որ Մանկավարժական համալսարանում ուսումնառության տարիներին մեզ դասավանդել են հանրապետության լավագույն մասնագետները՝ ի դեմս գիտական ղեկավարի՝ Գոհար Հովսեփյանի: Համալսարանն ավարտեցի գերազանցությամբ, ի ուրախություն ընտանիքիս անդամների՝ ծնողներիս, ամուսնուս և երկու երեխաներիս, ովքեր իրենց մեծ ներդրումն ունեն այս ամենի մեջ, շնորհակալ եմ նրանց, ինձ աջակցելու, վստահելու և համբերատարության համար: Հիշում եմ դժվարին էր այս ամենի հետ համատեղել ընտանիք, աշխատանք, բայց իմ փորձով եմ փաստում, որ անհնարին ոչինչ չկա, եթե կա երազանքի՞ն հասնելու մեծ ձգտում:

Այս տարիների ուսումնառությունը, սեմինարները, համագործակցությունները, ձեռք բերած գիտելիքներն ու հմտությունները, ինչպես նաև աշխատանքային գործունեությունը հնարավորություն տվեցին կյանքի կոչել իմ այն մարդասիրական մղումները, որոնք միտված էին մեր հասարակության, ընտանիքների կյանքը դեպի լավելի և ավելի փոփոխելու, երեխաներին՝ իրենց դժվարություններում օգնելուն, կրթական միջավայրում հեշտ հարմարեցմանը, իսկ ծնողին ժպիտ ու հույս պարզելուն:

Այս ամենից մասնագետն է իրեն առավել երջանիկ զգում, հավատացած եմ: Սա իմ առաքելությունն է: Դրականի մասին խոսելիս պետք է նշեմ, որ այս տարիների ընթացքում շատ է փոխվել նաև իմ ներաշխարհը. ձեռք եմ բերել ավելի բարձր կամային, սեփական անձն ու դիմացիներն ավելի լավ հասկանալու հատկանիշներ:

Հետագայի իմ տեսլականում էլի երեխաներն են, նաև այն մեծերը, ովքեր կունենան իմ մասնագիտական օգնության կարիքը: Երբեք չեմ դադարի սիրահարված մնալ մարդասիրական իմ մղումներին: Կարևոր այս մասնագիտական ուղին դեռ զարգացման ընթացքի մեջ է, ինչպես ամբողջ աշխարհում, այնպես էլ ինձ համար: Նպատակներիս մասին շատ խոսել չեմ ուզում, Աստված առաջ, բայց այն, որ կունենամ իմ գունդը ու էներգիայով լի աշխարհը, այն բազում երեխաների անմեղ դեմքերով, ովքեր արդեն հաղթահարած կլինեն իրենց խոսքային խնդիրները և ոչ միայն խոսքային՝ դա հաստատ է:

Լիահույս եմ, որ բոլոր նրանք, ովքեր կընտրեն այս մարդասիրական մասնագիտությունը, քաջ կգիտակցեն նրա պահանջներն ու կարևորությունը:

Այժմ ԵՊԲՀ ուսանող եմ, սովորում եմ «Առողջապահության կազմակերպում և կառավարում» մագիստրոսական կրթական ծրագրում, որով, սակայն, հրաժեշտ չեմ տալիս Մանկավարժական համալսարանին և ինձ հարազատ դարձած պրոֆեսորադասիտական անձնակազմին:

Ի գործ...
Շնորհակալ եմ:

Միլենա ՀՈՎՀԱՆՆԻՍՅԱՆ. Բանասիրական ֆակուլտետ

Մանկավարժը պետք է միշտ առաջ նայի

Կրթությունը անհատի, հասարակության և պետության շահերից բխող ուսուցման և դաստիարակության միասնական գործընթաց է, որը նպատակաուղղված է հայ ժողովրդի և մարդկության հոգևոր ժառանգությունը, գիտելիքներն ու փորձը յուրացնելուն, պահպանելուն, հարստացնելուն ու սերունդներին փոխանցելուն:

Ազգապահպանության և հայրենասիրության հիմքը լեզուն ու գրականությունն է:

Գիտակցելով այս ամենը՝ ընտրել եմ հայոց լեզվի և գրականության ուսուցչի մասնագիտությունը, որպեսզի իմ գիտելիքներն ու հմտությունները փոխանցեմ ա-

պագա սերնդին:

Ես արդեն ավարտել եմ ինչպես Կրթության և մանկավարժական համալսարանի բանասիրական ֆակուլտետը և ստացել գերազանցության դիպլոմ:

Սովորելու ընթացքում հանդիպել եմ դժվարությունների, որոնք բոլորն էլ հաղթահարելի են եղել, քանի որ մեր կողքին մշտապես ներկա են եղել հանրապետության լավագույն մասնագետները: Նրանք մեզ մղել են սիրելու հայոց լեզուն և գրականությունը, ապրելու լեզվով և գրականությամբ, գնահատելու մեր ժողովրդի դա-



րավոր անցյալը:

Ես կատարել եմ իմ մանկության երազանքը՝ դառնալով հայոց լեզվի և գրականության ուսուցչուհի: Հասել եմ հաջողու-

յան, բայց հաջողության հասնելու համար պետք է պայքարել: Եթե չկա պայքար, ապա չկա հաջողություն:

Այժմ ընդունվել եմ «Հայոց լեզու և գրականություն» մասնագիտության մագիստրոսական կրթական ծրագրի անվճար համակարգի առաջին կուրս: Վստահ եմ, որ մագիստրոսական ծրագրին ինձ համար կբացի նոր հորիզոններ:

Մանկավարժի զվիավոր հատկանիշներից մեկը պետք է լինի անդադար ինքնակրթվելու, հետազոտելու, նորը հայայթելու կարողությունը: Անկախ տարիքից, կոչումից ու զբաղեցրած պաշտոնից՝ մարդը պետք է ձգտի դեպի նորը, կատարելագործվածն ու արդիականը:

Մանկավարժը պետք է միշտ առաջ նայի ու նույնը սովորեցնի իր աշակերտներին:



ԱՆԻ ՆԱՄԵՍՆԻԿՅԱՆ
Գեղարվեստական կրթության
ֆակուլտետ

Ինձ համար մանկավարժի կերպարը մշտապես եղել է օրինակելի



Բոլորիս կյանքում հասունանում է մի պահ, երբ պետք է ընտրենք որևէ մասնագիտություն, որն ուղեկից է լինելու ողջ կյանքի ընթացքում: Մանկավարժությունն ունի դարավոր պատմություն, այն հնագույն մասնագիտությունների շարքում է:

Ինձ համար մանկավարժի կերպարը մշտապես եղել է օրինակելի, իսկ երաժշտությունը՝ հնչյունների զարմանահարաշ աշխարհը, բացահայտումների անսպառ օվկիանոս:

Ընտրել եմ երաժիշտ-մանկավարժի մասնագիտությունը, որովհետև կարծում եմ, որ մանկավարժներն ազգի հրեշտակներն են, ովքեր իրենց նվիրյալ գործն են անում մատաղ սերունդի կրթության և դաստիարակման կարևոր գործում, իսկ երաժիշտ-մանկավարժի հիմնական խնդիրն է կարողանալ տանել կյանքի և երաժշտության միջև համապատասխան գծեր, քանի որ երաժշտությունը համարվում է կյանքի հայելին ու արտացոլանքը:

Ուսանողական տարիների ցանկացած դժվարություն և հիասթափություն հաղթահարելի է, այո, եթե կա մեծ ցանկություն և, իհարկե, նպատակ, իսկ դրանց հաղթահարման ճանապարհը լի է հաճելի փորձություններով:

Ուսանողական տարիների հաջողություններն ու ձեռքբերումները պայմանավորված են մասնագիտական գիտելիքներով (և ոչ միայն) և մանկավարժական կոմպետենտությամբ, որի համար իմ խորին շնորհակալությունն էմ հայտնում ՀՊՄՀ պրոֆեսորադասախոսական կազմին, մասնավորապես՝ Գեղարվեստական կրթության ֆակուլտետի, Երաժշտության մանկավարժության ամբիոնին և ինձ աջակցող մարդկանց, ովքեր իրենց նվիրական աշխատանքով նպաստեցին իմ որպես կոմպետենտ մանկավարժի ձևավորմանը: Բացի մանկավարժական բարձրագույն որակներից, ուսանողական տարիների լուրջ ձեռքբերում են նաև դասախոսներս, ընկերներս: Նրանց միջավայրում ես ավելի շատ գնահատեցի իմ ընտրած մասնագիտությունը և նվիրվեցի վերջինիս: Ես կարևորում եմ այն տեսակետը, որ, եթե մանկավարժ ես, ապա սովորեցնելուց բացի, ինքդ պետք է պատրաստ լինես սովորելու և ինքնակրթվելու, քանի որ դիմացդ կանգնած է մատաղ սերունդը, որը ևս ունի իր մտահղացումներն ու կարծիքն արտահայտելու իրավունքը: Ուրեմն, մեր ամբողջ ներուժով պետք է նվիրվենք և լծվենք մեր աշխատանքին:

Սոնա ԱՄՊԱՏՈՒՐՅԱՆ
Օտար լեզուների ֆակուլտետ

Սովորել ու ձգտել միշտ լավագույնը լինել



Ողջույն, սիրելի՛ ընթերցող, ես Սոնա Ասատուրյանն եմ՝ Օտար լեզուների ֆակուլտետի «Անգլերեն լեզու և գրականություն» բաժնի 2023-2024 ուստարվա բակալավրի գերազանց շրջանավարտ:

Ծնվել եմ Գեղարքունիքի մարզի Մարտունի քաղաքում: Ստանալով 9-ամյա կրթություն, որոշեցի շարունակել ուսումնառությունս Գեղարքունիքի տարածաշրջանային պետական քոլեջում: «Գործավարություն» օտար լեզուների խորացված իմացությամբ» որակավորմամբ գերազանց ավարտեցի քոլեջը, և դեռևս 4 տարի առաջ էր, երբ հստակ նպատակ դրեցի իմ առջև՝ ստանալ բարձրագույն կրթություն և երբեք չդադարել կրթվել: Որոշել էի՝ ինչ էլ լինի, պետք է լեզուներ ուսումնասիրեմ և հաստատապես շարունակեմ ուսումնառությունս՝ դառնալով օտար լեզուի մասնագետ: Ընդունելության տարին վառ է տպավորված հիշողությանս մեջ, դե այն համընկավ կորոնավիրուսային համավարակի ի հայտ գալու հետ, ամբողջ էր ամեն բան՝ ի՞նչ քննություններ էինք հանձնելու, ե՞րբ էին սկսվելու դասերը, արդյո՞ք կհաջողվեր համալսարան գնալ, թե՞ այդպես էլ ամեն բան առցանց տիրույթում կընթանար: Ոչինչ պարզ չէր, սակայն անկախ ամեն ինչից, պետք էր քայլեր ձեռնարկել:

Ելնելով ֆինանսական և ընտանեկան դժվարություններից՝ ես չկարողացա գնալ ընդունելության համար պարապմունքների և ինձ մնում էր միայն հույսը՝ դնել ինքս ինձ վրա, չգիտեմ էլ՝ ասեմ բարեբախտաբար, թե՞ ցավոք, բայց պարզվեց, որ ընդունվելու ենք՝ հանձնելով միայն մեկ քննություն, այն էլ՝ անգլերեն: Ես սկսեցի ինքնուրույն պարապել շտեմարաններով, ունեի մոտավորապես մեկ ամիս և անգլերենի բազային գիտելիք, այլ կերպ ասած՝ ունեի լեզուի իմացության սկսնակ մակարդակ: Քննասենյակում նստած հպարտ ու ամենագետի կեցվածքով, բայց սրտումս՝ տագնապ, ես հանձնեցի քննությունը, մտքումս միայն մեկ բան էր, եթե չհաջողվեմ, քոլեջի դիպլոմով հեռակա համակարգում կշարունակեմ ուսումնառությունս, բարո, բայց և հաղթահարելի տարի էր: Հավաքելով ոչ այնքան բարձր միավոր՝ ես ընդունվեցի Խ. Աբովյանի անվան հայկական պետական մանկավարժական համալսարան, Օտար լեզուների ֆակուլտետի «Անգլերեն լեզու և գրականություն» բաժին:

Երբեք չեմ էլ պատկերացրել, որ կստանամ մի որակավորում, որից միշտ խուսափել եմ, բայց ինչպես ասում են. «Ոչինչ հենց այնպես չի լինում»: Առաջին օրերը համալսարանում ինձ համար գրեթե չէին անցնում, իսկական մոլորություն էր, բայց միաժամանակ զգում էի՝ ես ճիշտ տեղում եմ, աստիճանաբար գիտակցեցի, որ ես դառնալու եմ այն մարդը, ով պետք է կրթի և դաստիարակի սերունդներ, ումից կախված կլինի կիրք հասարակություն ունենալու ձգտումը, և այդտեղից էլ սկսվեց իմ մեծ սերը դեպի Մանկավարժական համալսարանը: Աշխատավարձումն ու նպատակալացությունն ինձ օգնեցին և ես բարձր առաջադիմության շնորհիվ 3 տարի սովորեցի անվճար համակարգում, ուսանողական տարիներն էլ ավելի զեղեցիկ դարձան Ուսանողական խորհրդի հետ, ես դարձա Ուսանողական խորհրդի ընտանիքի մի մասնիկը: Որպես ակտիվ ուսանող՝ ինձ տրվեց Օտար լեզուների ֆակուլտետի սոցիալական հանձնաժողովի պատասխանատու լինելու հնարավորությունը. այս տարիներն իմ մեծագույն ձեռքբերումն է՝ բոլոր առումներով:

Խ. Աբովյանի անվան մանկավարժական համալսարանի շնորհիվ ես բազմաթիվ հաջողություններ եմ գրանցել և միանշանակ շարունակելու եմ ավելի վերցնել, սովորել ու ձգտել միշտ լավագույնը լինել: Զերթը հասել է մագիստրատուրային. օրեր առաջ էր, երբ տեղեկացա, որ մագիստրոսի կրթական ծրագրով անվճար ուսուցմամբ ընդունված դիմորդ եմ իմ սրտի համալսարանում: Ես հպարտ եմ, որ Աբովյանական եմ, գիտակցում եմ մանկավարժի կոչման պատասխանատվությունը և երախտապարտ եմ ինձ հավատացող, օգնող ու օրինակ ծառայող դասախոսներին, մարդկանց, ովքեր կողքիս են եղել այս 4 տարիների ընթացքում, շնորհակալ եմ բոլորին: Հիմա վստահաբար ասում եմ՝ իմ սեր Մանկավարժական ինձ տվել է արժեքներ, գիտելիք, մարդիկ, հաճելի հիշողություններ, մոտիվացիա, և դրական օրեր: Պատիվ ունեմ, որ Աբովյանական եմ:

Պատիվ ունեմ, որ Աբովյանական եմ:

Սյուզաննա ԽԱՌՍՅԱՆ
Կուլտուրայի ֆակուլտետ

Լրագրությունը ոչ միայն մասնագիտություն է, այլև պարասխանաբարություն



Դար ոց ակադեմիայի արհեստը, երբ մտածում էի ապագա մասնագիտության մասին, ես գիտակցում էի, որ լրագրությունն ինձ համար ոչ միայն հետաքրքիր, այլ նաև արժեքավոր ոլորտ է, որտեղ կարող եմ ներկայացնել իրականությունը և ազդել հասարակության վրա: Իմ ընտրությունը՝ սովորելու Հայկական պետական մանկավարժական համալսարանի (ՀՊՄՀ) լրագրության բաժնում, հիմնված էր մի շարք կարևոր պատճառների վրա: Նախ, ՀՊՄՀ-ն հայտնի է իր բարձր որակի կրթությամբ և փորձառու դասախոսներով: Ես գիտեի, որ այստեղ սովորելով, կստանամ անհրաժեշտ գիտելիքներ և հմտություններ՝ պրոֆեսիոնալ լրագրող դառնալու համար: Համալսարանի դասախոսական կազմն ունի մեծ փորձ և լայն կապեր մեդիա ոլորտում, ինչը հնարավորություն կտար ինձ՝ սովորելու լավագույններից: Երկրորդ, համալսարանն առաջարկում է ուսուցման նորարարական մեթոդներ և տեխնոլոգիաներ, որոնք համահունչ են ժամանակակից լրագրության պահանջներին: Այս կրթական հաստատությունը մշտապես թարմացնում է իր ուսումնական ծրագրերը՝ դրանք համապատասխանեցնելով ուսանողների կարիքներին և ժամանակի պահանջներին: Երրորդ, լրագրության բաժինը ՀՊՄՀ-ում տրամադրում է հնարավորություն՝ բազմապիսի պրակտիկաների անցկացման և փորձառության ձեռքբերման, իսկ դրանք անհրաժեշտ են գործնական հմտությունների զարգացման և աշխատաշուկայում մրցունակ լինելու համար: Ես հանգստացնում էի, որ հենց այստեղ կստանամ այն փորձը, որն անհրաժեշտ է գործնական կյանքում հաջողության հասնելու համար: Բացի այդ, համալսարանի շրջանավարտները հաճախ են ունենում հաջող կարիերա՝ աշխատելով տարբեր մեդիա ընկերություններում և կազմակերպություններում: Այս հանգամանքը ևս կարևոր գործոն էր իմ ընտրության համար, քանի որ ես ցանկանում էի ապագա մասնագիտության մեջ ունենալ կայուն կարիերային անց:

Ավարտեցի ուսումնառությունս Հայկական պետական մանկավարժական համալսարանում: Հիմա վստահ կարող եմ ասել, ուսանողական կյանքը կտրուկ փոխել է ինձ: Բազմաթիվ հիշողություններով այս ճանապարհը, ընթացքը անխուսափելիորեն բերում է փոխակերպումների, որոնք անհնար է ամստեսել: Համալսարան մտնելուց առաջ ես ունեի միայն ընդհանուր պատկերացումներ լրագրության մասին, բայց իրականում պարզ չէր, թե ինչպես կդասավորվի իմ ապագան այս ոլորտում: Մինչև բուհ գալը, ես լի էի հետաքրքրասիրությամբ և ցանկությամբ՝ իմանալու ավելին: Կարող եմ հոգովածներ, նայում նորություններ և փորձում հասկանալ՝ ինչ է նշանակում լինել լրագրող: Բայց իմ գիտելիքները սահմանափակ էին, և ես հաճախ չգիտեի՝ ինչ ուղղությամբ շարժվել: Պրակտիկ հմտություններ ձեռք բերելու հնարավորություն քիչ ունեի, և այն, ինչ գիտեի, հիմնականում տեսական բնույթ ունեցող: Չմայած իմ մեծ ցանկությամբ՝ դառնալ լրագրող, ես մի փոքր անհանգստացած էի, թե ինչպես կկարողանամ հասնել իմ նպատակին: ՀՊՄՀ-ն ամբողջությամբ փոխեց իմ կյանքը և աշխարհայացքը: Համալսարանի տարիները տվեցին ինձ ոչ միայն գիտելիքներ, այլ նաև փորձառություն և վստահություն: Ես ձեռք բերեցի այն պրակտիկ հմտությունները, որոնք կարևոր են լրագրողի համար: Աշխատելով տարբեր մեդիա միջավայրերի վրա և մասնակցելով պրակտիկաներին՝ սովորեցի ինչպես գրել հստակ ու գրավիչ հոդվածներ, վարել հարցազրույցներ և կազմակերպել լրագրողական հետազոտություններ: Համալսարանում ես հասկացա, որ լրագրությունը ոչ միայն մասնագիտություն է, այլ նաև պատասխանատվություն՝ հասարակության առաջ: Այս ընթացքում ես ձեռք բերեցի ընկերներ, որոնք դարձան իմ կյանքի անբաժան մասը: Մեծը միասին անցանք ինչպես հաջողություններով, այնպես էլ դժվարություններով լի ճանապարհ: Համալսարանից ես դուրս եմ գալիս ոչ միայն որպես ավելի պատրաստված և փորձառու մասնագետ, այլ նաև որպես ավելի ինքնավստահ և նպատակալաց անհատ: Ես այժմ հստակ պատկերացում ունեմ իմ նպատակների մասին և գիտեմ, թե ինչպես հասնել դրանց իրականացմանը: Զեռնանում եմ գոհունակությամբ, շնորհակալությամբ և մեծ սպասումներով դեպի ապագա: Այժմ պատրաստ եմ դիմագրավել ցանկացած մարտահրավերի, որը կարող է հանդիպել իմ ճանապարհին: Մնաս բարով, Մանկավարժական համալսարան, ես շնորհակալ եմ քեզ:



Նեղի ՊԵՏՐՈՍՅԱՆ
Սկզբնական կրթության ֆակուլտետ

Ես դեռ վերադառնալու եմ քո փառուկ և հուսալի գիրկը...



Ողջո՛ւյն, ես Նեղի Պետրոսյանն եմ, ՀՀԿՄ շրջանավարտ, նախադպրոցական մանկավարժ և երկու գեղեցկուհի աղջիկների երջանիկ մայրիկ: 2020 թ. ընդունվել եմ ՀՀԿՄ Սկզբնական կրթության ֆակուլտետի Նախադպրոցական մանկավարժության և մեթոդիկայի բաժին, իսկ արդեն 2024 թ. դարձել եմ իմ հարազատ համալսարանի շրջանավարտը՝ գերազանց առաջադիմությամբ: Ավարտելուց հետո ընդունվել եմ մագիստրատուրա՝ շարունակելու կրթությունս նույն բաժնում:

Ուսումնառության տարիներին համդիպել եմ բազմաթիվ խոչընդոտների ու դժվարությունների, սակայն պատվով և մեծագույն համբերատարությամբ հաղթահարել եմ դրանք: Գրանցել եմ բազում հաջողություններ, որոնց համար երախտապարտ եմ այն բոլոր մարդկանց, ովքեր մշտապես եղել են կողքիս, վստահել են ինձ ու հավատացել իմ ուժերին: ՀՀԿՄ-ն ինձ համար բացել է բազում հաջողությունների դռներ, որոնց հասնելու մեծագույն երազանքը եկել է դեռ մանկության տարիներից: Համալսարանի պատերը տեսնել ներսի կողմից, դառնալ մանկավարժ, ստեղծել և ստեղծագործել...

Իսկ ամենակարևորն այն է, որ ՀՀԿՄ-ն տվեց հնարավորություն՝ իրագործելու մայրիկիս, այդպես էլ չտեսած, սակայն իրականություն դարձած ցանկությունը: Ինձ ուսանողի կարգավիճակում տեսնելը...

Ինձ համարում եմ մասնագիտությանս կրողը, քանի որ այս բաժինն ընտրել եմ բավականին հասուն տարիքում, հստակ գիտակցելով, թե ուր եմ գնում և ինչի համար: Կարծում եմ՝ չկա աշխարհում մեկ այլ մասնագիտություն, որն այնչափ հոգեհարազատ ու սրտիս մոտ կլիներ, ինչպիսին որ նախադպրոցական մանկավարժությունն է: Երեխաները, հատկապես նախադպրոցական տարիքում գտնվողները, օգնում են ինձ կտրվել աշխարհի հոգեթից, վաճառել ինձանից ամեն բացասական երևույթ: Նրանք իմ ուժն ու իմ թուլությունն են, այդ իսկ պատճառով ընտրել եմ հենց այս մասնագիտությունը:

Բնութով ստեղծագործ եմ, ինչը ևս ամնիջական կապ ունի նախադպրոցական մանկավարժության հետ: Ունենմի շարք հեղինակային հեքիաթներ, որոնցից երկուսը՝ «Ձատիկը» և «Ծիրանենի» տպագրվել են ՀՀԿՄ պաշտոնաթերթում, ինչի առիթով բավական հպարտ եմ, քանի որ հեքիաթներս տպագրված տեսնելը նույնպես անիրական թվացող երազանքների շարքից էր...

Ասելիքս շատ է, սակայն միշտ չէ, որ բառերը բավական են՝ ներկայացնելու այն ամենն, ինչը զգացել ու տեսել եմ ուսանողական տարիներին: Պարզապես կասեմ, որ շնորհակալ եմ քեզ, իմ հարազատ համալսարան, ես դեռ վերադառնալու եմ քո տաքուկ և հուսալի գիրկը...

Իմ սիրելի ապագա ուսանող, արի՛ ՀՀԿՄ, արի՛ քո երազանքի հետևից...

Ռախսա ԳՐԻԳՈՐՅԱՆ
Մաթեմատիկայի, ֆիզիկայի և
ինֆորմատիկայի ֆակուլտետ

Գնում եմ մագիստրոսի պատվավոր կոչման հետևից



Բոլորիս կյանքում էլ գալիս է այն պահը, երբ սկսում ենք մտածել մեր ապագա մասնագիտության մասին: Ինձ համար շատ բարդ է եղել մասնագիտության ընտրությունը, քանի որ այն պահանջում է մեծ պատասխանատվություն: Դպրոցում սիրելով մաթեմատիկայի ուսուցչուհուն և գնահատելով նրա անձնվեր աշխատանքն ու անսպասելի ընտրեցի մաթեմատիկայի ուսուցչի մասնագիտությունը: Իսկ որտե՞ղ կարող էի դառնալ պրոֆեսիոնալ մանկավարժ, եթե ոչ Մանկավարժական համալսարանի Մաթեմատիկայի, ֆիզիկայի և ինֆորմատիկայի ֆակուլտետի մաթեմատիկայի բաժնում: Ես կարծում եմ, որ մատաղ սերնդին դաստիարակելու ու հասարակության համար արժանապատիվ մարդ ձևավորելը պատվաբեր աշխատանք է: Մեր հասարակությունը մեծ ակնածանքով և խոնարհումով է վերաբերվում ուսուցիչներին, նրանց կատարած աշխատանքին, փորձառությանը, խորհուրդներին:

Սիրելով մանկավարժի մասնագիտությունը և մաթեմատիկան, ընդունվեցի ՀՀԿՄ Մաթեմատիկայի, ֆիզիկայի և ինֆորմատիկայի ֆակուլտետի մաթեմատիկայի բաժին՝ անվճար համակարգով: Գերազանց սովորելն ինձ համար հաճելի էր և պատասխանատու: Բակալավրում սովորելու տարիներին առանձնակի դժվարություններ չեմ ունեցել և իմ ուսանողական տարիներն անցել են շատ հետաքրքիր: Այդ 4 տարիների ընթացքում ձեռք եմ բերել մասնագիտական խոր, համապարփակ գիտելիքներ, գործնական հմտություններ ու կարողություններ: Մանկավարժական պրակտիկաների ժամանակ փորձել եմ գործնականում լիարժեքորեն կիրառել այն ամենը, ինչ ձեռք եմ բերել մասնագիտությունից, հոգեբանությունից, մանկավարժությունից: Պրակտիկան իմ մեջ ամրապնդեց մանկավարժ դառնալու իմ ձգտումը և նպաստեց նրան, որ ես միանշանակ գնալու եմ դպրոց աշխատելու և մատաղ սերնդին կրթելու և դաստիարակելու:

Ես անչափ ուրախ եմ և հպարտ, որ ավարտել եմ բակալավրիատը գերազանցությամբ, և ինձ համար մեծ պատիվ է, որ իմ ավարտական վկայականն ինձ հանձնել են հանդիսավոր պայմաններում: Այս ամենը պարտավորեցնող է և ինձ մղում է նոր նվաճումների և բարձունքների:

Համալսարանական չորսամյա տարիներն իմ հույսի ու լույսի, նոր կյանքի և ձեռքբերումների, ինքնաճանաչման և ինքնադրսևորման տարիներն էին: Իմ մասնագիտությունը սիրելուն նպաստել է մեր համալսարանի մեզապրոֆեսիոնալ պրոֆեսորադասախոսական անձնակազմը, որին ես երախտապարտ եմ ինձ ծով գիտելիքներ փոխանցելու համար: Մինչև դասախոս լինելը նրանք մեզ համար եղել են ավագ ընկեր՝ յուրաքանչյուր վայրկյան պատրաստ օգնելու մեզ:

Ի վերջո պետք է հիշել մի բան՝ ամուր երկրի հիմքը կրթությունն է, իսկ դա ապահովող օղակը մանկավարժները:

Գերազանց ավարտելով բակալավրիատը՝ ուզում եմ հատուկ շնորհակալություն հայտնել Մաթեմատիկայի և նրա դասավանդման մեթոդիկայի ամբիոնի բոլոր դասախոսներին՝ ի դեմս ավարտական աշխատանքիս գիտական ղեկավար Աղավնի Գրիգորյանի՝ իր նվիրյալ և անշահախնդիր աշխատանքի համար:

Ստանալով մանկավարժի բաղձալի որակավորում՝ գնում եմ մագիստրոսի պատվավոր կոչման հետևից:

Վիկտորյա ՀՈՎՀԱՆՆԻՍՅԱՆ
Օտար լեզուների
ֆակուլտետ
Համալսարանական
կրթությունն իմ առջև
բացեց նոր դռներ



Դեռ մանուկ ժամանակ լսել էի մի հետաքրքիր արտահայտություն՝ «Աշխարհում կա 3 տուրք մասնագիտություն՝ դատելը, կրթելը և բուժելը»: Հենց այդ ժամանակ ես հասկացա, որ իմ առաքելությունը կրթելն է, քանի որ փոքր տարիքից սկսած սիրում էի «դպրոց-դպրոց» խաղալ:

Երբ սովորում էի 8-րդ դասարանում՝ հասկացա, որ ռուսաց լեզուն և ռուս գրականությունը իմ տարերքն են, իսկ մանկուց ռուսերենին տիրապետելը և ռուսական կրթություն ունենալը ավելի շատ նպաստեցին այդ որոշումն ընդունելուն:

2020-ի ամռանն ընդունվեցի ՀՀԿՄ՝ գերազանց միավորներով: Շատ մեծ ակնկալիքներ ունեի համալսարանից, կրթությունից և ուսանողական կյանքից: Եվ ասեմ, որ դրանք արդարացան: Համալսարանական տարիները լավագույնն էին: Հասել եմ բազում հաջողությունների՝ մասնակցել եմ մի շարք սեմինարների, հաղթել եմ մի շարք մրցույթներում, աշխատել եմ որպես կամավոր, ստացել եմ Մոսկվայի քաղաքապետի կրթաթոշակ և այլն: Նշեմ, որ այդ ամենը զուգահեռ նրան, որ 4 տարի սովորել եմ գերազանց առաջադիմությամբ և ավարտել գերազանցության դիպլոմով, իսկ 2-րդ կուրսից աշխատել եմ իմ մասնագիտությամբ: Իհարկե, ճանապարհիս հանդիպել եմ բազում դժվարությունների, բայց վստահ եմ, եթե ունես նպատակ և ցանկություն, կանես ամեն բան քո նպատակին հասնելու համար և ոչինչ չի կարող արգելք հանդիսանալ:

Այժմ կրթությունս շարունակում եմ նույն բաժնի մագիստրատուրայում: Ես վստահ եմ, որ լավ մանկավարժ դառնալու համար պետք է երբեք չդադարել կրթվել և ինքնակրթվել, միշտ շարժվել առաջ և ստանալ նոր գիտելիքներ: Համալսարանական կրթությունն իմ առջև բացեց նոր դռներ և նոր հնարավորություններ:



Արդյունավետ և ակադեմիկական կրթության ֆակուլտետ

Գիտելիքը պահ է բոլոր դժվարությունների դեմ



Մասնագիտության ընտրությունը կյանքի ամենապատասխանատու և որոշիչ քայլերից մեկն է, որը չափազանց կարևոր է մարդու համար, քանզի դրանով է պայմանավորված աշխատանքային գործունեության որակն ու մակարդակը, սոցիալական կարգավիճակն ու բարեկեցությունը, ինչպես նաև բարոյահոգեբանական վիճակը:

Մենք գիտենք, որ առանց ներկա չի կարող լինել ապագա: Իսկ ապագայի մասին մեր պատկերացումներն իրականացնելու համար հարկավոր է գիտել գիտելիքով, քանզի այն գրահ է բոլոր դժվարությունների դեմ և հնարավորություն է տալիս կերտել ապագայի մեր տեսլականը:

Երկու տարի առաջ ես որոշեցի ընդունվել ՀԱՍԿ և երկրորդ անգամ ընտրեցի մանկավարժի մասնագիտությունը՝ հստակ գիտակցելով դրա կարևորության, ինչպես նաև դժվարության մասին, քանի որ այն միայն մասնագիտություն չէ, միայն աշխատանք չէ, այն անմնացորդ և անսահման սեր է պահանջում: Մանկավարժը կանոնադր է գիտության և նոր ձևավորվող ամհատի միջև: Երեխաների հետ աշխատանքը նրբանկատություն, հանդուրժողականություն է պահանջում, քանի որ երեխան իսկապես արժեք է:

Չեմ կարող չնշել, որ երկու տարվա ընթացքում բազմաթիվ հույզեր, զգացողություններ, ուրախ և տխուր պահապաններ, վերելքներ և վայրէջքներ են ունեցել, բախվել մի շարք դժվարությունների, որոնք, երբեմն, անհաղթահարելի են թվացել: Սակայն բազմաթիվ խոչընդոտներ հաղթահարվել են համալսարանի պրոֆեսորադասախոսական հրաշալի անձնակազմի շնորհիվ: Լինելով մարդկային բարձր արժեքների կրողը՝ նրանք մույնը սերմանում են նաև իրենց ուսանողների մեջ:

Հայկական պետական մանկավարժական համալսարանը տալիս է գիտելիքահեն կրթություն, որի շնորհիվ ձևավորվում են կարողունակություններ, որոնք ապագա մանկավարժին օգնում են դիմակայել կրթության մոր մարտահրավերներին: Այս կրթության շնորհիվ հասկացել եմ, որ մանկավարժը պետք է ունենա ռեֆլեքսիվ կարողություններ, անընդհատ ինքնակրթվի և ինքնագարգանա, ապրումակցի, ունենա համագործակցելու, տեղեկատվական դաշտում արագ կողմնորոշվելու, քննադատական և ստեղծագործական մտածողության կարողություն, որոնք մասնագիտական աճի և մրցունակ լինելու գրավականն են:

Իմ սիրելի դասախոսների շնորհիվ ես վերաիմաստավորեցի և վերարժևորեցի գիտելիքն ու կրթությունը և հասկացա, որ կրթությունը շարունակություն է սիրուն, քանի որ յուրաքանչյուր ժամանակահատված իր հետ բերում է նոր մարտահրավերներ՝ պահանջելով նոր ռազմավարական մոտեցումներ: Մանկավարժն է ապագա կերտողը, նա պետք է ձգտի ավելի և լինի լավագույններից...

Ամեն բանի վերջը մի նոր բանի սկիզբն է: Այս կրթությունն իմ առջև նոր դռներ է բացելու, որոնք մասնագիտական նվաճումների սկիզբ են խոստանում...

Ժենյա ՊՈՂՈՍՅԱՆ
Կենսաբանության, քիմիայի և
աշխարհագրության ֆակուլտետ

Երբեք ուշ չէ

Ես ժենյա Պոլոսյանն եմ: Առաջին բարձրագույն կրթությունս ստացել եմ Հայաստանի պետական ագրարային համալսարանում: Այն ավարտել եմ գերազանցությամբ: Բուհն ավարտելուց հետո, ընտանեկան կարգավիճակով պայմանավորված՝ շուրջ 16 տարի եղել եմ տնային տնտեսուհի և զբաղվել եմ դուստրերիս խնամքով ու դաստիարակությամբ: Միշտ ցանկացել եմ աշխատել դպրոցում՝ որպես ուսուցչուհի, և ահա երեխաներս մեծ են, ունեն որորչակի ժամանակ, որ կարող եմ ինձ տրամադրել, սակայն չունենալով մանկավարժի կրթություն, իհարկե, չէի կարող դպրոցում աշխատանք գտնել:



Փորձեցի աշխատանք գտնել Ագրարային համալսարանում, սակայն առաջարկն եղավ Արարատի մարզի քոլեջից, որն ինձ այնքան էլ հարմար չէր: Եվ ահա ամուսնուս հորդորով ընդունվեցի Խաչատուր Աբովյանի անվան հայկական պետական մանկավարժական համալսարանի Կենսաբանության, քիմիայի և աշխարհագրության ֆակուլտետի Կենսաբանության բաժնի մագիստրատուրա՝ հետագայում դպրոցում աշխատելու նպատակով:

Դժվարությունները սկսվեցին հենց ուսումնառության առաջին շաբաթից, քանի որ կրթական համակարգը բավականին փոփոխվել է և անհրաժեշտ էր պատրաստել սահիկներ, որն ինձ համար նորություն էր: Սակայն ՏՀՏ-ի դասընթացներին կարողացա տիրապետել համակարգչային այն ծրագրերին, որոնք օգնելու էին ուսման գործընթացին հետագա 2 տարիների ընթացքում:

Ժամանակի ընթացքում հարմարվեցի կրթական մոր ծրագրերին, և կարծես ամեն բան իր հունով ընթացավ: Առաջին տարին սովորել եմ վճարովի հիմունքներով, սակայն լավ առաջադիմության շնորհիվ 2-րդ տարում անցա անվճար ուսուցման: Մագիստրոսական թեզի համար պարոն Պիպոյանի կողմից առաջարկ եղավ աշխատել «Սևանա լճի ձկնաշխարհը» թեմայի շրջանակներում, սակայն հասկացա, որ չեմ կարողանալու պատշաճ կատարել աշխատանքս և նախընտրեցի աշխատել Աղստև գետի ձկնաշխարհի ուսումնասիրությանը, քանի որ այն այնքան էլ լավ ուսումնասիրված չէր, և ես էլ հաճախ եմ լինում Տավուշի մարզում: Առաջարկս ողջունվեց ղեկավարիս կողմից: Որոշեցինք թեման հաստատել՝ որպես «Աղստև գետի ժամանակակից ձկների տեսակային կազմը և ձևակերպման համակարգի առանձնահատկությունները»:

Մեծ հետաքրքրությամբ սկսեցինք աշխատել այդ ուղղությամբ, ունեցանք մեծ հաջողություններ և 2024 թվականի մարտի 29-ին «Լերկաձկների (Nemachelidae) և ծականայինների (Cobitiidae) ֆաունան Աղստև գետում» զեկույցով հանդես եկա «Երիտասարդություն և գիտություն. հետազոտությունից մինչև արդյունավետ լուծումներ» միջբուհական գիտաժողովին:

Ուսումնառության ընթացքում աշխատելու առաջարկ ստացա Կենդանաբանության և հիդրոէկոլոգիայի գիտական կենտրոնի «Կենդանիների փորձարարական լաբորատորիա»-ում՝ որպես ավագ լաբորանտ: Աշխատանքս բավականին հետաքրքիր է և մեծ սիրով աշխատում եմ այդ ոլորտում:

Մանկավարժական համալսարանն ավարտեցի գերազանցությամբ, ինչն ինձ համար ևս մեկ ձեռքբերում էր: Ցանկություն ունեմ շարունակելու կրթությունս և հենց Աղստև գետի ձկնաշխարհի ուղղությամբ: Իմ շատ սիրելի ղեկավարի օգնությամբ և ղեկավարությամբ արդեն իսկ վերսկսում եմք ատենախոսության համար նախատեսված աշխատանքները:

Ամփոփելով Մանկավարժական համալսարանում ուսանած այս երկու տարիները, կարող եմ ասել, որ շրջադարձային եղան ինձ համար, իմ առջև բացվեցին նոր դռներ՝ տալով ինձ նոր հնարավորություններ, ինքս ինձ բացահայտելու նոր կողմերից, ձեռք բերեցի նոր ժանրություններ, լավ ընկերներ: Բախտ ունեցա ծանաչելու կենսաբանական գիտությունների դոկտոր պրոֆեսոր Սամվել Պիպոյանին, ով դարձավ իմ գիտական թեզի ղեկավարը և ինձ հորդորեց էլ ավելի արժևորել գիտության ոլորտում կատարածս աշխատանքը:

Հորդորս բոլոր նրանց, ովքեր ունեն սովորելու, առաջ գնալու, նոր հորիզոններ բացահայտելու ցանկություն, ցանկացած տարիքում այդ ամենն իրագործելու համար երբեք ուշ չէ:

Մարիամ ՍԱՐԳՍՅԱՆ
Կուլտուրայի ֆակուլտետ

Ցերեպոյուն և բարի գալուստ

Դեռևս փոքր հասակից բազմաթիվ հետաքրքրություններ ունեի: Երբ հարցնում էին, թե ինչ եմ դառնալու ամեն անգամ տարբեր մասնագիտություններ էի թվարկում:



Առաջին մասնագիտությամբ նկարիչ, հագուստի մոդելավորող եմ: Գերազանցությամբ ավարտել եմ Զարդարվեստի պետական ուսումնարանը: Երկար ժամանակ զբաղվել եմ գեղարվեստական մարմնամարզությամբ, նվագում եմ կիթառ և այլն: Բայց այս ամենի արդյունքում ընտրեցի, կամ մասնագիտությունս ընտրեց ինձ, և ես հայտվեցի թատրոնում: Քանի որ ռեժիսորական համադրական և սինթետիկ արվեստ է, այստեղ կարող եմ մի քանի ունակություն մեկտեղել: Ինչպես գիտենք, ռեժիսորայում ներդաշնակվում է գրականությունը՝ պիեսը, գեղանկարչությունը՝ բեմանկարչությունը, երաժշտությունը և այլն:

Համալսարանի ընտրության հարցում երկար չեմ մտածել, քանի որ գիտելի ոլորտի լավագույններն են դասավանդում ՀԱՍԿ-ում: Սովորելով էլբակյանների արվեստանոցում՝ հայտվեցի նաև համաճիկների թատրոնում: Ներգրավվելով «Գծից այն կողմ» ներկայացման մեջ, որպես ռեժիսորի օգնական, մեծ պատկերացում ունեցա, թե ինչպես է գրոյական կետից ստացվում ներկայացումը մինչև հանձնման փուլ, երբ արդեն հնչում են երկար սպասված ծափահարությունները:

Թատրոնը սիրում եմ անսահման, քանի որ կարող եմ ամեն օր ծնվել, ստեղծագործել և չձանձրանալ: Սիրում եմ փորձերի անվերջանալի թվաքանակ ընթացքը, բեմադրել այն ամենը, ինչ թաքցված է ենթատեքստի տակ:

Վերադառնալով դեպի ավելի հետ՝ հիշում եմ, որ դպրոցում գերազանց չեմ սովորել: Ունեի նախընտրելի առարկաներ, որոնք հեշտ էին ստացվում և առավել հետաքրքիր էին հայոց լեզուն, գրականությունը, պատմությունը: Բայց երբ ընտրեցի ցանկացած լինել ուրիշ և արվեստը երեխաներին նորովի ներկայացնել: Ինտերակտիվ և խաղերի միջոցով շատ ավելի հետաքրքիր է ստացվում նյութի մատուցումը: Մանկավարժական համալսարանն ընտրելու ևս մեկ պատճառ էր հենց երեխաների հետ աշխատելու ցանկությունը: Երեխաների հետ աշխատելը որքան բարդ է, այնքան էլ զվարճալի: Քանի որ նրանց ուշադրությունը գրավելը, զարմացնելը, ընկերանալը բավականին դժվար է, դրա համար պետք է նաև լինեն հոգեբան, կարողանա որսալ մտքերը, իմանալ նրանց նախասիրությունները:

ՀԱՍԿ-ում ուսումնառությանս տարիները լի են եղել բազմաթիվ հիշողություններով և ձեռքբերումներով: Համալսարանում հաճախ աչքի էի ընկնում ակտիվությամբ և որակական հատկանիշներով. արդյունքում 2022 թ.-ին ընտրվեցի Կուլտուրայի ֆակուլտետի լավագույն ուսանող:

Որպես ավարտական աշխատանք բեմադրել եմ ամերիկյան դրամատուրգ Թեյնտի Ուիլյամսի «Ենթակա է քանդման» պիեսը, որի առաջնախաղը տեղի է ունեցել Հոլի. Թունանյանի անվան Ազգային տիկնիկային թատրոնում: Ներկայացումը դեռ կխաղացվի, քանի որ սիրվել է հանդիսատեսի կողմից: Սակայն կան նաև նոր բեմադրության մտքեր ևս:

Ցանկանում եմ ուսումս շարունակել Մանկավարժական համալսարանի մույն մասնագիտության՝ մագիստրատուրայում:

Այսպիսով, չորս տարի անց գերազանցությամբ ավարտեցի ինձ հարազատ դարձած բուհը՝ նրան ասելով միևնույն ժամանակ և՛ ցտեսություն, և՛ բարի գալուստ:



ԱՆԻ ԱՎԱԳՅԱՆ Պատմության և հասարակագիտության ֆակուլտետ **Լավատեսությանը և վճռականությանը եմ նայում ապագային**



Հայկական պետական մանկավարժական համալսարանում անցկացրած տարիները եղել են հիշարժան և խորապես փոխակերպող ճանապարհորդություն՝ նշանավորվելով ակադեմիական լուրջ մարտահրավերներով և անձնական աճով: Համալսարանի աշխույժ մթնոլորտը, դասախոսների ակտիվ մասնակցությունը, ստեղծեց նպաստավոր միջավայր սովորելու և զարգանալու համար: Բազմաթիվ դասախոսությունների, սեմինարների և գործնական պարապմունքների միջոցով ես ձեռք բերեցի խորը պատկերացում ընտրած մասնագիտության՝ հասարակագիտության մասին, կատարելագործեցի դասավանդման հմտություններս և զարգացրի հետաքրքրություններս կրթության նկատմամբ: Ուսանողների հետ ընկերությունն ու ծանոթությունները հարստացրին իմ փորձը՝ ապահովելով աջակցող միջավայր և մնայուն հիշողություններ:

Գերազանց ուսանող ճանաչվելը հոգիս լցնում է անսահման հպարտությամբ և երախտագիտությամբ: Այս գնահատանքը ոչ միայն իմ քրտնաջան աշխատանքի արտացոլումն է, այլև վկայությունն է ընտանիքիս և դասախոսական կազմի կողմից ստացած աջակցության և խրախուսանքի: Այն ամրապնդեց իմ հավատը հաստատականության ուժի նկատմամբ և դրոշեց ինձ շարունակաբար ձգտել գերազանցության:

Առաջ շարժվելով դեպի կյանքի հաջորդ փուլ՝ ակնկալիքներս անշուշտ մեծ են: Ես ցանկանում եմ կիրառել իմ ձեռք բերած գիտելիքներն ու հմտությունները՝ կրթության ոլորտում բովանդակալից ազդեցություն ունենալու համար: Իմ առաջիկա ծրագրերը ներառում են մագիստրոսի կոչում ստանալը՝ հետազայում մասնագիտանալով հետաքրքրություններիս ոլորտում, միաժամանակ փնտրելով հնարավորություններ գործնական փորձ ձեռք բերելու դասավանդման և կրթական ծրագրերի միջոցով:

Առջևում բացվող ապագան և՛ հուզիչ է, և՛ մարտահրավերներով լի, բայց Հայկական պետական մանկավարժական համալսարանում կառուցած ամուր հիմքերով, վստահ եմ, որ կարող եմ հաղթահարել բոլոր դժվարությունները և օգտվել իմ ճանապարհին հանդիպող հնարավորություններից: Ես լավատեսությամբ և վճռականությամբ եմ նայում ապագային՝ պատրաստ դրական փոփոխություններ բերել կրթության աշխարհում:

Սոնա ԽԱՉԱՏՐՅԱՆ Կրթության հոգեբանության և սոցիոլոգիայի ֆակուլտետ **Անհատի հաջողության բանալին կրթությունն է**



Համալսարան ընդունվելու առաջին իսկ օրվանից, ինձ ծանոթ մարդիկ, ցավոք, նաև մանկավարժներ, իմանալով, որ ընդունվել եմ իմ սիրելի Հայկական պետական մանկավարժական համալսարան, ձայնի տոնայնությունը անհասկանալի կամ ինձ համար գոհ-ճե անընդունելի պատճառով փոխելով՝ հարցնում էին՝ առաջին հայտով՝ ես ընդունվել, թե...

Ջերմորեն ժպտալով և ինձ համար կարծես ինչ-որ թանկ արժեք մատնանշելով՝ պատասխանում եմ. «Ոչ միայն առաջին, այլև միակ, կարևոր, մտածված և մեծ պատասխանատվություն ենթադրող հայտով ընտրել եմ հենց այս համալսարանը»:

Չգիտեմ՝ արդյո՞ք ճիշտ է ասել, որ ես եմ ընտրել համալսարանը, արդեն երկար ժամանակ համոզել եմ նրան, որ, իրականում, համալսարանն է ինձ ընտրել:

Իմ և համալսարանի կապն արդեն 7 տարվա պատմություն ունի: Այս կապը ձևավորվեց այն օրվանից, երբ պատահմամբ իմացած հասարակության կայուն զարգացման հիմքն է, իսկ այդ հիմքերը դնողները կատարում են աշխարհում գոյություն ունեցող ամենամեծ խնդիրը և ամենակարևոր աշխատանքը. նրանք կրթում և դաստիարակում են սերունդներ՝ արժանի սերունդներ: Նրանք մանկավարժներն են: Այն բոլոր նվաճումները, ձեռքբերումներն ու հաջողությունները, որոնք ունենում է մեր երկիրը, մեր սերունդը, մեր հասարակությունը՝ մանկավարժի անվերապահ, սուրբ գործի արդյունքն են:

Հենց վարժարանում ստացա այն կայուն հիմքերը և անհրաժեշտ գիտելիքները, որոնք ինձ պիտի ուղղորդեին դեպի համալսարան:

Իմ կյանքի բոլոր փուլերում համաձայնել եմ այն տեսակետի հետ, որ անհատի հաջողության բանալին կրթությունն է: Այսօր արդեն կհավելեմ, որ այն ոչ միայն անհատի, այլև պետության, ցանկացած հասարակության կայուն զարգացման հիմքն է, իսկ այդ հիմքերը դնողները կատարում են աշխարհում գոյություն ունեցող ամենամեծ խնդիրը և ամենակարևոր աշխատանքը. նրանք կրթում և դաստիարակում են սերունդներ՝ արժանի սերունդներ: Նրանք մանկավարժներն են: Այն բոլոր նվաճումները, ձեռքբերումներն ու հաջողությունները, որոնք ունենում է մեր երկիրը, մեր սերունդը, մեր հասարակությունը՝ մանկավարժի անվերապահ, սուրբ գործի արդյունքն են:

Այսօր արդեն գերազանցությամբ և 2023-2024 ուս.տարվա լավագույն շրջանավարտի կոչումով ավարտում եմ սիրելի համալսարանը: Կրթության հոգեբանության և սոցիոլոգիայի ֆակուլտետում անցկացրածս 4 տարիները լավագույններից էին՝ լի հաջողություններով, մասնագիտական ձեռքբերումներով, որոնք, վստահաբար, շարունակական են լինելու: Այս ընթացքում համալսարանը հնարավորություն ընձեռեց մի շարք գիտական հոգվածներ հեղինակել, մասնակցել տարբեր գիտաժողովների, ծավալել մասնագիտական ակտիվ գործունեություն:

Գիտակցումը, որ նույն համալսարանի շրջանավարտն ես, որտեղ ժամանակին սովորել եմ մեծանուն հայեր՝ ՀՀ ազգային հերոս Մովսես Գորգիսյանը, Արցախի հերոս Մեխակ Մեխակյանը, Ռազմիկ Ղափոյանը, Հրանտ Մաթևոսյանը, Սերո Խանգաղյանը, Հենրիկ Մալխյանը, Վանուշ Խանամիրյանը և այլք, պարտավորեցնող և ոգևորիչ է:

Իմ կյանքի նվիրական նպատակներից է կլինիկական հոգեբանության ոլորտում լավագույն մասնագետներից մեկը դառնալը, պետության զարգացման գործում ներդրում ունենալը: Այս ցանկության ձևավորման մեջ իր մեծ ներդրումն ունի համալսարանի պրոֆեսորադասախոսական կազմը, որը մշտապես ուսանողի կողքին կանգնելու և աջակցելու պատրաստակամություն է հայտնում:

Նոր նպատակների և զաղափարների հետքերով շուտով արդեն կշարունակեմ ուսումս մագիստրատուրայում՝ կլինիկական հոգեբանություն և հոգեթերապիա որակավորմամբ:

Մարիամ ԳԵՎՈՐԳՅԱՆ Կրթության հոգեբանության և սոցիոլոգիայի ֆակուլտետ **Երախտագիտության խոսք եմ հղում բոլոր նրանց, ովքեր կրթել են ինձ**



Մարդու կյանքում յուրաքանչյուր օր նոր հնարավորություն է՝ առաջ քայլելու և սեփական ուղին կերտելու համար: Եվ այն հաջողությունները, որոնք առկա են ներկայում, մարտահրավերներով և խոչընդոտներով անցած ճանապարհի արդյունքն են: Իմ ներկայի հիմքը պատմությունն է, որը սկսվեց մասնագիտության ընտրության ճանապարհին: Ավարտելով Երևանի Նար-Դոսի անվան N 14 հիմնական դպրոցը՝ 2015 թ. ընդունվեցի Խ. Աբովյանի անվան ՀՀԿՄԳ-ի հենակետային վարժարան-ավագ դպրոց: Վարժարանը, ի դեմս տնօրեն, մանկավարժական գիտությունների թեկնածու, դոցենտ Նարիա Սաֆարյանի, իր հյուրընկալ ռոմերը բացեց իմ առջև՝ որպես «Հոգեբանություն» ենթաբաժնի սան: Երեք տարիների ընթացքում դասընկերներիս հետ միասին կերտեցինք մեր պատանեկան ամենավառ հուշերը: Կրթվելուց և գիտելիքներ ստանալուց զատ, մասնակցեցինք օլիմպիադաների, տարատեսակ միջոցառումների, ինչպես նաև էքսկուրսիաների՝ մեր երկրի պատմական հուշահամալիրներով, թանգարաններով ու տեսարժան վայրերով: Վերջինիս հարցում մեծ էր մեր սիրելի դասուղիի՝ պատմական գիտությունների թեկնածու, դոցենտ Արմինե Եփրիկյանի ավանդը, ով նպատակ ուներ մեր մեջ սերմանել միասնականություն:

Այնուհետև, վերցնելով սիրելի ուսուցիչներիցս ստացած գիտելիքներն ու խորհուրդները, բարեհաջող կերպով հանձնեցի բոլոր քննություններն ու բարձր գնահատականներով ճանապարհ ընկա դեպի բուհ: Ընդունվեցի Խ. Աբովյանի անվան հայկական պետական մանկավարժական համալսարանի Կրթության հոգեբանության և սոցիոլոգիայի ֆակուլտետի հոգեբանության բաժին: Որոշել էի հոգեբան դառնալ և մեծ ջանասիրությամբ էի ընթերցում դասախոսներիս հանձնարարած գրքերը, հետաքրքրությամբ ու ոգևորությամբ կատարում հանձնարարված առաջադրանքները: Գերազանց առաջադիմությանը զուգահեռ՝ առաջին կուրսում եղել եմ նաև Ուսանողական խորհրդի բանավեճի ակումբի կազմում և էլ ավելի զարգացրել խոսքի ու մտքի շարադրանքի հմտություններս:

2019 թ., հաղթահարելով մրցութային փուլը, մասնակցել եմ ՀՀԿՄԳ-ի և Մոսկվայի պետական հոգեբանամանկավարժական համալսարանի համագործակցության շրջանակներում կազմակերպված «Աշխարհային դպրոց» ծրագրին: Այս ծրագիրը ոչ միայն հնարավորություն ընձեռեց հավաքել մասնագիտական տեսագործական գիտելիքները, այլև գտնվել «Խաղի և խաղալիքների հոգեբանամանկավարժական փորձաքննության լաբորատորիա»-ում, գլխուղեղի «Նեյրո-կոգնիտիվ հետազոտությունների կենտրոն»-ում, «Աուտիստիկ սպեկտրի խանգարումների համալիր ուղեկցման դաշնային ռեսուրսային կենտրոն»-ում: Արդյունքում հայրենիք վերադարձա վառ և գունեղ տպավորություններով, մասնագիտական աճ գրանցելու էլ ավելի մեծ ցանկությամբ: Իսկ ծրագրի շրջանակներում ընկերների հետ ձեռք բերված կապը շարունակվում է մինչ օրս:

Կյանքը, բնականաբար, հաջողությունների ու կորուստների, ուրախությունների ու տխրությունների անխուսափելի շղթա է: 2020 թվականը սկսվեց մեծ համաճարակի բռնկումով և նոր մարտահրավեր ստեղծեց բո-

...բոլոր նրանց, ովքեր կրթել են ինձ

7 լրի համար: Բարեբախտաբար, մեր բուհը, շնորհիվ արդեն իսկ գործարկվող «Classroom» հարթակի, արագ ապահովեց ուսանողների ինտեգրումը առցանց ուսուցմանը: Համաճարակի դժվարությունները դեռ լիովին չհաղթահարած վրա հասավ պատերազմի արհավիրքը: Տեղին է արձանագրել, որ այս ողջ ընթացքում պրոֆեսորադասախոսական անձնակազմը ֆակուլտետի ղեկավար, հոգեբանական գիտությունների թեկնածու, դոցենտ Ռուզաննա Պետրոսյանի գլխավորությամբ, աջակցել է ուսանողներին, խուճապի կամ անգործության մատնվելու փոխարեն հորդորել շարունակել կրթական գործընթացի անխափան ընթացքը՝ հիմնավորելով, որ ընթացում նպատակն է տեսնել ընկճված, հուսահատության ու անգրագիտության մատնված հակառակորդի, իսկ դա անկարելի է:

Անցնելով առցանց, հիբրիդային ուսուցման և այլ դժվարությունների միջով հաջողել ենք մասնագիտական պրակտիկա անցնել դպրոցներում, հոգեբանական կենտրոններում, ինչպես նաև հատուկ կրթահամալիրում, որը յուրահատուկ փորձառություն ձեռք բերելու հնարավորություն էր:

Ինձ համար անգնահատելի է ավարտական աշխատանքիս գիտական ղեկավար, պրոֆեսոր Սուսաննա Փիլոսյանի դերակատարումը, ով սովորեցրել է քայլել գիտության ճանապարհով:

2022 թ. գերազանցությամբ ավարտելով բակալավրի կրթական ծրագիրը՝ ընդունվեցի արդեն հարազատ դարձած ֆակուլտետի Մանկավարժական հոգեբանության բաժին՝ որպես մագիստրոս: Այս ընթացքում հասցրել եմ ևս մեկ անգամ մասնակցել «Աշնանային դպրոց» ծրագրին, որը կազմակերպվել էր մեր համալսարանի ուսումնական բազայում՝ Աղավ-Մաճորում՝ հյուրընկալելով օտարերկրյա գործընկեր բուհերի ուսանողներին:

Մասնագիտական պրակտիկայի շրջանակներում հնարավորություն եմ ունեցել դասախոսել առաջին կուրսեցիներին: Տպագրել եմ մի քանի գիտական հոդվածներ հայերեն և օտար լեզուներով: Ջուզահեռաբար զբաղվել եմ մագիստրոսական թեզի հետազոտությամբ և շարադրմամբ՝ ստանալով գիտական ղեկավարի՝ հոգեբանական գիտությունների թեկնածու, դոցենտ Լիդա Արամյանի աջակցությունը:

Բուհական ուսումնառության վեց տարիների ընթացքում, իրականացնելով կուրսի ավագի պարտականությունները, փորձել եմ նաև իմ ոգևորությամբ վարակել կուրսընկերներին, նրանց հետ կիսել գիտելիքներս:

Ամփոփելով իմ անցած ուղին՝ անդրադառնամ ներկայիս ու ապագային: Այժմ գերազանցությամբ ավարտել եմ նաև մագիստրոսական կրթական ծրագիրը և ընդունվել «ասպիրանտուրա «Սոցիալական հոգեբանություն» մասնագիտությամբ: Գիտելիքներս իրենց կիրառությունն են գտել նաև աշխատանքային գործունեության մեջ, և ուրախ եմ, որ աշխատելու եմ Խ. Աբովյանի անվան ՀՀԿՄԻ-ի N 57 հիմնական դպրոցում որպես հոգեբան:

Ի վերջո, երախտիքիս խոսքն եմ հայտնում երբևէ ինձ դասավանդած բոլոր ուսուցիչներին, պրոֆեսորադասախոսական ողջ անձնակազմին, մտերիմներիս ու բոլոր նրանց, ովքեր կրթել են ինձ և օգնել դառնալ այն անձը, որը կամ այսօր: Ցանկանում եմ, որ իմ պատմության մեջ դերակատարում ունեցող ամեն ոք զգա իր կարևորությունը, քանզի ամենն այսչափ իմաստավորված չէր լինի առանց նրանցից յուրաքանչյուրի աջակցության, ոգևորող խոսքերի և անմիջական մասնակցության:

Քնարիկ ՀՈՎՀԱՆՆԻՍՅԱՆ Բանասիրական ֆակուլտետ

Երապանքներն իրականանալու սովորություն ունեն



Մանկավարժ դառնալն ինձ համար եղել է մանկության երազանք: Տարիների ընթացքում իմ փոքրիկ երազանքը համառորեն քայլել է ինձ հետ և դարձել է մեծ նպատակ՝ ինձ ուղղորդելով Մանկավարժական համալսարան: Դիրքորոշումս հստակ էր՝ ես պետք է հետագա սերունդներին կրթող արժանի և գիտելիքներով զինված մասնագետ դառնամ:

Ուսուցիչը կերտում է ճակատագրեր. ամենևին պատահական չէ մասնագիտության ընտրությունը: Բանասեր լինելն ինձ համար առաքելություն է: Ես ընտրել եմ Բանասիրական ֆակուլտետը, որտեղ կերտվում են ճակատագրեր, որտեղ կրթվում ես, կայանում, զարգանում և ամուր կանգնում սեփական հողի վրա՝ հասկանալով, որ կյանքիդ լավագույն ընտրությունը կատարել ես արդեն:

Համալսարանական տարիներն ինձ համար եղել են ձեռքբերումների և հաղթանակների տարիներ. պատահական չէ ասված, որ դրանք մեր լավագույն և երբեք չկրկնվող տարիներն են... Տարիներ, որոնք կոփել են, բարձրացրել, սովորեցրել են զննահատել և արժևորել ամենաթանկը՝ ժամանակը, որը նվիրել ենք համալսարանին՝ վստահ լինելով, որ մեր բոլոր սպասելիքները մի գեղեցիկ օր իրականություն կդառնան: Այսօր վստահաբար կարող եմ ասել՝ այդպես է:

Ինչպես առաջին օրը համալսարան մուտք գործելիս, այնպես էլ չորս տարիներն ամփոփող եզրափակիչ օրը տպավորություններս սպասելիքներիս չափ մեծ են եղել և մնում: Սա էլ առաջնիչ ուժն է ավելի ծոտելու, քո ոլորտում լավագույնը լինելու և սերունդներին կրթելու անձնվեր գործը ուսերիդ հպարտորեն և արժանապատվորեն կրելու համար...

Ես թերթում եմ իմ քառամյա ուսանողական տարիների գեղեցիկ ու հիշարժան էջերը և խոստանում, որ հավերժ կպահեմ սրտիս ամենասիրուն և տաքուկ անկյունում՝ նոր ուղու էջերը առավել ոգևորությամբ թերթելու ակնկալիքով...

Շնորհակալ եմ Բանասիրական ֆակուլտետին իմ հաղթանակների և ձեռքբերումների համար:

Ռիտա ԴԱՆԻԵԼՅԱՆ
Գեղարվեստական կրթության ֆակուլտետ

Ես ավելի շատ սիրահարվեցի մասնագիտությանս

Ողջույն, ես Ռիտան եմ ՀԿՄՀ Մշակութաբանություն բաժնի շրջանավարտ: Համալսարան ընդունվելը եղել է ամենաբարդ որոշումներիցս մեկը, երբ, բնավորությանս համաձայն, չէի կողմնորոշվում մասնագիտության և բուհի ընտրության հարցում: Վերջապես, թեև այլ էր ընտրությունս, ուսուցչուհուս խորհրդով, ընտրությունս կանգ առավ Մանկավարժական համալսարանի վրա, և դիմում-հայտը լրացնելու վերջին օրերն էին, երբ պատահական նկատում եմ Մշակութաբանություն մասնագիտությունը, մանրամասն հետաքրքրվում և կտրուկ փոխում որոշումս: Սոցիալական աշխատանքից անցնելով վերջինիս, քանի որ այն միանգամից շատ ազդեցիկ ու բացառիկ թվաց, որում ես գնալով համոզվում էի:

Ինչևէ, առաջին տպավորությունը համալսարանի արտաքինին՝ հիասթափեցնող էր, բայց նրա մի մասը դառնալը և ներսից ճանաչելը ստիպեց հասկանալ, թե որքա՞ն տարբեր էր այն՝ որպես գեղագիտության և արվեստի մարմնացում:

Ամբողջությամբ նկարներով ու քանդակներով պատված լսարանները, բարեհամբույր դասախոսները, ուսումնասիրության առարկաները պատճառ դարձան ավելի շատ սիրահարվելու մասնագիտությանս ու գիտակցելու, որ դրանով պետք է դառնալ մեր մշակույթի արժանի կրողը և զարգանալ, պահպանել այն, փոխանցել հետագա սերունդներին, քանզի յուրաքանչյուր ժողովրդի մշակույթն է իր էության ու կերպարի խոսուն վկան ու տարբերակիչ գիծը:

Իհարկե, համալսարանական կյանքը



րերի, արշավների, մրցույթների, միջոցառումների, կամավորական աշխատանքների շուրջ՝ հագեցնելով ուսանողական կյանքս:

Ինչպես անսպասելի ու հաճելի էր համալսարան անվճար ընդունվելը, նույնքան հաճելի էր այն գերազանց ավարտելն ու անսպասելի՝ լավագույն ուսանողներից մեկը լինելը, ինչը պարտավորեցնում է բարձր պահել այդ պատիվը:

Չմայած անասելի արագ ու աննկատ անցան այս չորս տարիները, ու կարծես երեկ էր, որ հենց առաջին օրը ուշացած գնացի դասի, որի մասին ծիծաղով եմ հիշում, համալսարանը նախապատրաստեց ինձ կյանքի հաջորդ փուլին, տվեց առաջ շարժվելու նոր հնարավորություններ, իսկ մեր չարածճիություններն ու անսպաս ծիծաղը, բարձր ծայրերը, երգել-պարելու և սնվելու համար դասամիջոցին անհամբեր սպասելը, մարդիկ, այն վայրերը, որտեղ անց ենք կացրել մեր առօրյան, մշտապես վառ կման՝ հիշեցնելու, որ ճիշտ է, ուսանողական տարիներն առանձնահատուկ են, որոնք ես քիչ, թե շատ վայելել եմ:

Շնորհակալություն եմ հայտնում Գեղարվեստական կրթության ֆակուլտետին և պրոֆեսորադասախոսական կազմին, իմ ուսուցչուհուհու, ընտանիքիս ու ընկերներիս, Ուսանողական խորհրդի նախագահին ու անդամներին, ընդհանրապես Մանկավարժական համալսարանին՝ իմ մեջ բարձր արժանիքներ սերմանելու, տված գիտելիքի, աջակցելու և անմոռաց հիշողությունների համար:

հարթ չի ընթացել, այս տարիների ընթացքում եղել են նաև դժվարություններ, որոնք սովորեցրել են դիմակայել ու հաղթահարել դրանք ամեն պարագայում, որոնցից ամենան են նաև դասախոսների հետ ջերմ գրույցներն ու քննարկումները, դասերը՝ նաև հետագա կյանքի համար: Համալսարանի ձեռքբերումներից են ընկերներս, որոնց հետ հարազատ դարձա: Պետք է նշեմ նաև ուսանողական խորհուրդը, որը միավորեց ու մտերիմ դարձրեց ուսանողներին տարբեր ծրագ-